



Broj:01-01-2128-1/22-JN
Sarajevo, 22.12.2022.godine

Na osnovu člana 64. stav (1) tačka b), člana 70. stav (1), (3) i (6), Zakona o javnim nabavkama („Službeni glasnik BiH“, broj 39/14 i 59/22), člana 13. stav (2) Pravilnika o javnim nabavkama roba, usluga i radova u Javnoj ustanovi „Služba za zapošljavanje Kantona Sarajevo“ Sarajevo broj: 05/1-0544-UO/15 od 30.03.2015. godine i člana 5. Pravilnika o izmjenama Pravilnika o nabavkama roba, usluga i radova u Javnoj ustanovi „Služba za zapošljavanje Kantona Sarajevo“ Sarajevo broj: 09/1-3012-UO/17 od 29.12.2017. godine, a na osnovu Preporuke Komisije za javne nabavke, broj: 2128-3/22-JN od 22.12.2022.godine, u ponovnom postupku odlučivanja, javne nabavke - LOT 3 Usluge kolektivnog osiguranja zaposlenika, za potrebe Javne ustanove „Služba za zapošljavanje Kantona Sarajevo“ Sarajevo v.d. direktorica *donosi*

ODLUKU **o izboru najpovoljnijeg ponuđača**

Član 1

Prihvata se Preporuka Komisije za javne nabavke broj: 2128-3/22-JN od 22.12.2022.godine i ugovor za javnu nabavku - LOT 3 Usluge kolektivnog osiguranja zaposlenika, za potrebe Javne ustanove „Služba za zapošljavanje Kantona Sarajevo“ Sarajevo, dodjeljuje se ponuđaču „Triglav Osiguranje“ d.d. Sarajevo, ponuda broj: 08-6854/22 od 15.06.2022.godine, za ponudenu cijenu u iznosu od 29.908,80 KM bez uračunatog PDV-a, za period od 3 (tri) godine, period trajanja Okvirnog sporazuma, kao najbolje ocijenjenom ponuđaču.

Član 2

Prijedlog ugovora dostavit će se na potpis izabranom ponuđaču „Triglav osiguranje“ d.d. Sarajevo, nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude, uz obavezu da dostavi dokaze o ispunjvanju uslova za kvalifikaciju i to na način i u formi kako je zahtijevano tenderskom dokumentacijom, u roku od 5 (pet) dana, ukoliko iste nije dostavio uz ponudu.

Član 3

Za izvršenje ove Odluke zadužuje se i ovlašćuje Jedinica za nabavke.

Član 4.

Ova Odluka objavit će se na web stranici JU „Služba za zapošljavanje Kantona Sarajevo“ Sarajevo, www.szks.ba, istovremeno s upućivanjem ponuđačima koji su učestvovali u postupku predmetne nabavke, shodno članu 70. stav (6) Zakona o javnim nabavkama BiH.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama BiH.

O b r a z l o ž e n j e

Postupak predmetne nabavke, pokrenut je Odlukom o pokretanju postupka javne nabavke usluge osiguranja: LOT 1 - Usluge kasko osiguranja službenih vozila, AO; LOT 2 - Usluge osiguranja imovine; LOT 3 - Usluge kolektivnog osiguranja zaposlenika za potrebe Javne ustanove „Služba za zapošljavanje Kantona Sarajevo“ Sarajevo broj: 01-01-0735/22 od 11.05.2022. godine.

Javna nabavka provedena je putem otvorenog postupka za dostavu ponuda.

Procijenjena vrijednost predmetne nabavke za LOT 3 Usluge kolektivnog osiguranja zaposlenika, iznosi 30.000,00KM bez PDV-a, (10.000,00KM godišnje x 3).

Za ovu nabavku predviđeno je zaključivanje Okvirnog sporazuma, na 3 (tri) godine, i to sa 1 (jednim) ponuđačem za svaki LOT.

Slijedom navedene Odluke, dana 03.06.2022. godine, izvršeno je objavljivanje Obavještenja o nabavci, broj: 774-1-2-22-3-24/22 na Portalu javnih nabavki.

Nakon isteka roka predviđenog za dostavljanje ponuda, Komisija za javne nabavke imenovana Rješenjem broj: 01-01-34-0399/22 od 11.03.2022. godine, pristupila je otvaranju pristiglih ponuda za LOT 3 - Usluge kolektivnog osiguranja zaposlenika, dana 24.06.2022. godine, sa početkom u 10:30h, te konstatovala da su blagovremeno pristigle ponude sljedećih ponuđača i to: Triglav Osiguranje d.d. Sarajevo i Asa Osiguranje d.d. Sarajevo, te da neblagovremeno pristiglih ponuda nije bilo, o čemu je sačinila odgovarajući Zapisnik.

Dana 27.07.2022. godine, nezadovoljan odlukom ugovornog organa za nabavku LOT 3 - Usluge kolektivnog osiguranja zaposlenika, broj: 01-01-1275/22 JN od 19.07.2022. godine, ponuđač „Triglav Osiguranje“ d.d. Sarajevo, podnosi žalbu. Postupajući po Rješenju Ureda za razmatranje žalbi, Filijala/ Podružnica Mostar (u daljem tekstu: URŽ) broj: JN2-03-07-1-2152-9/22 od 08.09.2022. godine, te na osnovu činjenica iznesenih okvirom istog rješenja, dana 07.10.2022. godine, ugovorni organ donio je Odluku o poništenju postupka nabavke za LOT 3-Usluge kolektivnog osiguranja zaposlenika, broj: 01-01-1752/22 JN, na koju ponuđač „Triglav Osiguranje“ d.d. Sarajevo, izjavljuje žalbu. Nadalje, u postupku rješavanja po žalbi žalitelja broj: 08-12555/22 od 14.10.2022. godine, URŽ je Rješenjem, broj: JN2-03-07-1-2951-9/22 od 18.11.2022. godine, potvrdio osnovanost žalbenih novoda, poništio osporavanu Odluku i predmet vratio ugovornom organu na ponovni postupak.

Slijedom prednjeg, Komisija za javne nabavke, imenovana Rješenjem broj: 01-01-34-0399/22 od 11.03.2022. godine, postupajući po Rješenju URŽ-a, broj: JN2-03-07-1-2951-9/22 od 18.11.2022. godine, u ponovnom postupku odlučivanja, pristupila je ponovnoj evaluaciji svih pristiglih ponuda, o čemu je sačinila odgovarajući Zapisnik broj: 2128-1/22 JN od 13.12.2022. godine, te u istom navela sljedeće konstatacije, a iste se odnose na LOT 3 Usluge kolektivnog osiguranja zaposlenika:

- Uvidom u ponudu ponuđača: „Asa Osiguranje“ d.d. Sarajevo, ustanovljeno je da je isti dostavio saglasnost Agencije za nadzor osiguranja samo za slučaj teških bolesti i hiruških intervencija, dok je za ostale osigurane rizike ponuđač dostavio uslove osiguranja, ali nije dostavio saglasnost Agencije za nadzor za iste, čime nije ispunio uslove iz tačke 3. napomene Obrasca za cijenu ponude. Nadalje razmatrajući ponudu ponuđača „Asa Osiguranje“ d.d. Sarajevo, uočeno je da Potvrda o solvenstnosti nije u skladu sa pojašnjenjem ugovornog organa u vezi sa tenderskom dokumentacijom od 08.06.2022. godine, obzirom da dostavljenom potvrdom nisu dokazali da im račun nije blokiran u posljednjih 12 mjeseci, računajući od dana objave obavještenja o nabavci 03.06.2022. godine, i kao takva ne može biti predmet dalje evaluacije.

- Prilikom ponovne evaluacije i ocjene ponude ponuđača „Triglav Osiguranje“ d.d. Sarajevo, ponuda broj: 08-6854/22 od 15.06.2022.godine, uzeti su u obzir navodi URŽ-a, prema kojim je isti postupio u skladu sa datim pojašnjenjem iz TD, koje je objavljeno na Portalu javnih nabavki

08.06.2022. godine, te dostavio potvrdu o solventnosti kojom dokazuje da mu glavni račun nije bio blokiran u posljednjih 12 mjeseci, računajući od dana objave obavještenja o nabavci 03.06.2022. godine.

Iz svega navedenog proizilazi da je ponuđač „Triglav Osiguranje“ d.d. Sarajevo, jedini kvalifikovani ponuđač u postupku nabavke LOT 3-Usluge kolektivnog osiguranja zaposlenika, te se rezultati provedene e-aukcije, poništavaju, shodno članu 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16), a shodno tome data je i Preporuka Komisije broj: 2128-3/22-JN od 22.12.2022.godine o izboru navedenog ponuđača kao najpovoljnijeg.

U postupku donošenja ove Odluke posebno su cijenjene činjenice da je Komisija postupila shodno stavovima URŽ-a, iznesenim u Rješenju broj: JN2-03-07-1-2152-9/22 od 08.09.2022. godine i Rješenju broj: JN2-03-07-1-2951-9/22 od 18.11.2022. godine, a u odnosu na žalbene navode žalitelja, u ponovnom postupku, te pravilno i potpuno izvršila ocjenu kvalificiranosti ponuđača i ocjenu prispjelih ponuda shodno kriterijima traženim okvirom TD.

Cijeneći naprijed navedeno, primjenom člana 64. stav (1) tačka b), člana 70. stav (1), (3) i (6), Zakona o javnim nabavkama („Službeni glasnik BiH“, broj 39/14 i 59/22), te u skladu sa pravilnom primjenom Zakona o javnim nabavkama i podzakonskim aktima iz oblasti javnih nabavki, odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, u roku od 10 (deset) dana, od dana prijema iste, Uredu za razmatranje žalbi, putem ovog Ugovornog organa, u skladu sa članom 99. i 101. Zakona o javnim nabavkama BiH.



Dostaviti:

- Svim učesnicima u postupku javne nabavke,
- Komisiji za javne nabavke,
- Evidenciji,
- A/a.

Sarajevo, Đoke Mazalića 3,
web-stranica: www.szks.ba; e-mail adresa: info@szks.ba
Tel: ++387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun

